

INDEX

LECTIONVM

QVAE

AVSPICIIS REGIS AVGVSTISSIMI

FRIDERICI GVILELMI QVARTI

IN

VNIVERSITATE LITTERARIA

FRIDERICA GVILELMA

PER SEMESTRE AESTIVVM

1849
ANNI MDCCCXXXVIII.

A D. XVI. M. APRILIS VSQVE AD D. XV. M. AVGVSTI

HABEBVNTVR.

C. Facilius
De Gallicis preterea satirarum
libris

BEROLINI

FORMIS ACADEMICIS.

INDEX

LECTIONVM

QVAE

A V S P I C I S R E G I S A V G V S T I S S I M I

F R I D E R I C I G V I L E L M I Q V A R T I

I N

V N I V E R S I T A T E L I T T E R A R I A

F R I D E R I C A G V I L E L M A

P E R S E M E S T R E A E S T I V U M

A N N I M D C C C X X X V I I I .

1849

A D . X V I M A P R I L I S V S Q V E A D D . X V M A V G V S T I

H A B E B V N T V R .

C. Haecklinanus
De Gai Lucili poetae Saturarum
libris

BEROLINI

F O R M I S A C A D E M I C I S .

KRISTI

MYKONTOU

2000

THE GREEK ISLANDS

BY CHRISTIANA KONSECKA

WITH ILLUSTRATIONS BY

CHARLES DODD

AND A LIST OF

USEFUL ADDRESSES

Si ergo huiusmodi sit, in cuius iste libri numeri summae regula est, et si
in aliis libris, quibus si enim sit, non in omnibus sicut in aliis, et
in aliis libris, quibus si sit, non in omnibus sicut in aliis, et
in aliis libris, quibus si sit, non in omnibus sicut in aliis, et
UNIVERSITATIS LITTERARIAE
FRIDERICAE GVILLEMAE
RECTOR ET SENATVS.

Lucilius post Gracchanorum temporum poëtae, saturarum versum primum his verbis
conceptum fuisse Varro auctor est,
„*Aetheris et terras genitabile quaerere tempus.*”
neque incredibile est poëtam post studiorum graviorum et vulgo probatorum enumera-
tionem ad suum satiricae poësis genus transeuntem scripsisse
„*Quis leget haec?*”
nam ad Persii versum secundum satirae primae, qui est huius modi, *Quis leget haec?*
min tu istud ais? nemo hercule? nemo? scholiastes haec adscripsit, „*Quis leget haec?*”
hunc versum de Lucilii primo transtulit;” quae oavendum est ne de toto versu ac-
cipiamus: is enim tam anguste scriptus est ut ab ubertate Lucilii quam maxime dif-
ferat; sed Varronis verba, quae sunt in libro v de lingua Latina p. 9, 1, curiosius,
ne forte fallamur, expendenda sunt. quae cum in Florentino codice, e quo ceteros
universos prodisse constat, hoc modo scripta sint, „*A qua bipartita divisione*” (cae-
lum et terram dicit) „*Lucretius suorum unum et viginti librorum initium fecit hoc,*”
multi olim intellexerunt in his Varronis libris quotiens Lucretii poëtae mentio fiat,
scriptorem de Lucilio sensisse: numerus autem librorum, quem corruptum esse ap-
paret, nondum satis probabili ratione disputatus est: nos igitur huic sententiae argu-
menta dicemus, Varronem scripsisse videri suorum u et viginti librorum; quod si
plane efficere non poterimus, certe vel trium vel iii et viginti scribendum esse vin-
ceamus: idenique cur Varron viginti et paulo plurium librorum quam, quod erat, to-
tius operis et omnium triginta librorum initium dicere maluerit, quoad fieri poterit,
exponemus.

Itaque quod alios iam dixisse scimus, Lucilii librorum duo distincta σωματία
sive volumina fuisse, id accuratius tractatum nobis vindicabimus. ac primum quidem
quo metri genere quisque Lucilii liber scriptus fuerit cum multos dubitare vi-
deamus, nos, postquam singulos Lucilii versus diligenter excussimus, exploratissimum
habemus libros xxiii primos uno eodemque metri genere, versibus hexametris, scrip-
tos fuisse, nisi quod unius est vigesimi nulla extat memoria, alter et vigesimus aut
totus aut ex parte distichis elegiacis constitutus contra in quinque libris postremis po-
lymetrianus fuisse, sextum et vigesimum eumque qui ab hoc proximus fuerit trochaicus
septenarius compositum, duodetrigesimum iambicis senariis, undetrigesimum et septe-

nariis et senariis, trigesimum autem hexametris. tertium et vicesimum, ut priores, hexametris perscriptum fuisse uno Prisciani testimonio intellegitur, p. 884. de vigesimo quarto et quinto certi nihil constare potest, quandoquidem ex his nullus versus numero libri addito prolatus est; quamquam hos in prioris partis fine positos fuisse ideo veri similius esse ducimus, quod Nonius, quem priore volumine in fine mutilo usum esse scimus, alterum a principio duobus libris truncatum habuisse non nimis probabile est. hunc enim duo volumina versavisse ex eo perspicuum est, quod quinque postremos simpliciter *libros Lucilii* numerat, primos viginti duos autem, nisi quod vigesimo primo non utitur, plerumque dicit *saturarum libros*. hoc enim casu fieri non potuit, casus ut aliquando non fieret efficere potuit. quare facile sterimus libro xviii ne semel quidem adscriptum esse *saturarum*, et p. 21, 4 semel haberi *saturarum lib.* xxvii: neque Basileenses p. 399, 13 et 497, 30 *saturarum lib.* xxviii et xxvi quo iure scripserint scire possumus, quoniam id ante se neminem dedisse ne dixerunt quidem. sed in hac de Luciliani operis voluminibus quaestione in primis memorabile est, quod tamen ab aliis nondum observatum vidimus, A. Gellum in Atticis noctibus priore volumine solo usum esse. hic enim quos librorum numeros posuit, ii ultra vicesimum non progrediuntur, neque ab eo ullua Lucilii versus prolatus est qui non esset hexametrum. sed loco eodem habere non oportet, quae ipse ex Tironis epistula et a Sulpicio Apollinare sumpsisse dicit, libro vii, 3 et xvi, 5; quorum alterum e libro Lucilii xxvi esse Nonius p. 186, 32 testatur, alterum potuit in xxix expositum esse, e quo versus a re non alienum idem Nonius profert p. 234, 26.

Iam vero cum omnia Lucilii poemata in duas partes distincta fuisse conatet, si eae partes Varronis aetate nondum certum ordinem habuerunt, ne potuit quidem eorum alterutrius initium alio modo indicari, nisi ut aut quinque aut xxv librorum initium diceretur. contra si illo iam tempore certus ordo fuit, idemque ab eo quem postea omnes summa constantia tenuerunt non diversus, Vattro certa aliqua ratione permotus xxv Lucilii quam xxx libros dicere maluisse censendus est. quem rationem, si modo, ut diximus, ulla fuit, a nobis certo cognosci non posse mirabile esse non debet. quod si in re incerta probabilitatem sequimur, non inepte nobis videmur dicere posse Lucilium illos quinque libros, qui postea ultimi fuerunt, fortasse prius quam ceteros xxv edidisse. nam cum Ennius suos saturarum libros prope totos versibus septenariis senariis Sotadeisque conscripsisset (certè unus tantum modo versus hexameter dactylicus superest a Servio ad Aeneidos XII, 120 e libro secundo prolatus, *contemporis Indi loci liquidas pilatasque aetheris oras*), cumque post eam L. Attius in didascalicis, quod genus videtur proximum fuisse saturae, nullis aliis versibus nisi Sotadeis usus esset, potuit sane Lucilius primo tempore suum saturae genus, veterum exemplum secutus, versibus comicis potissimum instituere, eidemque postea illos versus longos, ut nobiliores, soles vindicare. hoc si ita fuit, Horatius in ea re Lucilii iudicium secutus est, cum M. Varro in Menippis suis veterem polymetrian, sed eam cum summa elegantia excultam, imitari maluisset.

Verum haec quocumque modo existimabuntur, nullo certe modo fieri potuit ut illa prior Luciliani operis pars, quam Varro libris plus quam viginti constitisse testatur, aliquo tempore liber prior Lucili diceretur. quod quia non nulli aut uno aut duobus aut tribus auctoribus testatum referunt, de horum auctoritate quaerere oportet curiosius. ergo hi testes duo sunt, non tres; nisi Franciscum Iani filium Dousam ea de causa inter vetera testes audiendum putamus, quod is selecta aliquot Acronis et Porphyronis scholia e libris impressis petita, in Porphyrione tantum ab exemplari antiquo adiutus, Cruquianae Horatii editioni adiecit. itaque Acron cum ad Horatii sermonem II, 1, 22, apud Fabricium p. 344, apud Dousam 691, de Pantolabo et Nomentano haec feratur scripsisse, *Nomina sunt luxuriosorum, quos etiam in priore libro Lucilius carpit*, dubitandum non est quin C. F. Hermannus verissime dixerit priorem Horatii librum intelligendum esse, non *Lucilius*. Nomentani enim cuiusdam Lucilium mentionem inieceris sciurus, sed qui illo non Horatii tempore vixisset, quippe cui in libro saturarum secundo mortem imprecatus esset. is versus apud Donatum ad Phormionem 1, 2, p. 440 parum emendate scriptus extat; quem, quia alliteratione vix carere potest, hoc modo satis probabiliter restitui posse existimamus,

Qui te, Nomentane, malum iam pectori perdat!

cum exemplaria vulgo ferant *iam cetera perdat*. itaque rei per se incredibili perturbata ista Acronis scholia fidem facere non debent, et multo minus Franciscus Dousa; quo ipso auctore, ad Horatium p. 691, in Lucilianis p. 11 et 104, notissimum hunc Maronis versum, qui est in Aeneidos 1676, *Qua facere id possis nostram nunc accipe mentem*, Lucilio adscribere iubemur, cum in Acrone Fabricii ad serm. I, 4, 87 recte scriptum sit *ut poëta*, non *ut Lucilius*. ceterum non dissimiliter falluntur qui aut Probum de nomine p. 217, hoc est librarium Bobiensem, aut conjecturam suam secuti *Lucretium Luciliumve metrum custodientem anciliorum* dixisse existimant, cum grammaticum Horatii nomen posuisse perspicuum sit. sed tempus est ut alterum testem prodire iubeamus Acrone, si speciem considerare volumus, longe locupletiorum. in rhetorics ad Herennium libris, quorum vetustissima exemplaria valde corrupta atque interpolata esse constat, libro IV, 12, 18, ubi agit auctor de verborum trajectione parum concinna, *Lucilium* in eo vitio dicit esse adsiduum; *ut hoc est*, inquit, *in priore libro, Has res ad te scriptas Luci misimus Aeli*. hic primum Lucilius versus perturbate scriptus est: neque enim in eo ulla insignis aut impedita verborum trajectio est, neque poëtae saeculi ab urbe condita septimi versus vitiosos fecerunt, sed dum taxat minus concinnos, itaque hic versus Lucilius hoc modo scribendus est,

Has, Aeli, res ad te scriptas misimus, Luci.

deinde hunc versum scriptor non ea de causa improbandum duxit, quod a Lucilio esset *in priore libro* positus, sed quod eum *in primore libro* collocasset, in qua parte vitiosa vel parum suavia etiam ab imperitoribus et minus curiosis caveri solent.

Haec quae diximus ita manifesta sunt, ut ea et invenire quis possit et probare debeant omnes. sed quotus numero liberis fuisse, quem Lucilius ad Lucium Aelium scripsisset, sine ulla dubitatione dicere possemus, si Verrius Flaccus libros Lucilii suis numeris designasset. quod quoniam ille numquam fecit (nam quis eo argumento semel factum dicat, quod apud Festum in laciniis paginae 174, 8 habetur L. II. obscae, ubi Pauli haec sunt, Noctilugam Lucilius cum dixit, obscenum significat), nunc nihil amplius intellegere possumus, nisi in pagina Festi 294, 27 eiusdem libri versus quinque superesse, in quibus dubium non sit. quin poeta Lucium aliquatur. scimus quidem eos viros doctos quib[us] versus emendare temptaverint, Schälicherum, Lindemannum, O. Müllerum, Luci nomen vocandi casu positum, sine quo structura orationis labat, non agnovisse: sed iudem ne iurgia quidem ea, quae Festus in his versibus significata esse testatur, ut iis inessent efficerintur quare non libet horum commenta excutere, praesertim cum Müllerus ipse p. 406 de suis versibus dicit Lucilium eius modi ducentos in uno pede stantem fundere potuisse. Nobis, postea quam primum rem et formam orationis, deinde verba, quaesivimus, haec quae subie- cimus urbanitate Luciliū non indigna visa sunt.

Corneliu' Publiu' noster

Scipiadas, dicta Apulu' dum usque intorquet in ipsum,

Oti a deliciis, Luci, effeto atque cinaedo et

Sectatori adeo ipse tuo quae rectius dicas,

Ibat forte domum. sequimur multi atque frequentes.

in his *Apulus* tantum experiundi causa, et ut sensus impleretur, a nobis infultum fatemur, ubi in exemplari Festi haec sunt, *dicto tempusque intorquet*. licet alia temptare ac potius ludere, veluti hoc, *dicta impurus dum intorquet in ipsum*: sed *dicta et dum certissima sunt et ad orationem sustentandam necessaria*. in ceteris quae perversa erant leni manu infleximus, *Oti et delicis luci effectae, et adeo ipsi suo quo rectius dicas.*

Haec eo consilio disputavimus, Commilitones carissimi, ut vos ad eas litteras, quibus mens moresque et iudicium excoluntur, vel in summo patriae discrimine fideliter tractandas adhortaremur. finem autem scribendi faciemus in versibus Lucilii, quos ex libro xxvii petitos Nonius rettulit p. 308, 24 et p. 37, 22 28, quibus homo optimus quid se, cum ad summam rem publicam gerendam natus non esset, agere deceret antiqua et ingenua simplicitate declaravit.

Rem populi salute et fictis versibus Lucilius,

Quibus potest, impertit, totumque hoc studiose et sedulo.

quibus preces subiunxisse putandus est: harum enim idem Nonius p. 472, 15 hunc unum versum servavit, quo poeta aut Iovem optimum maximum aut Fortunam allocutus fuerit,

Sospita, inerti salute pluruma et plenissuma.

